



改媿先生文集卷第四十一

四明樓

鎬



內制

士歆加食邑實封制

門下朕嚴九筵之禮是曰肇禋逆三神之厘若
蒙昭答饒惠所暨臣鄰斯均矧惟屬籍之尊可
後思先之渥集廷卸而趨告示詔律之匪朽具
官其德性寬洪夙猷端粹董珪疊俎生長富貴
之中盪節驛
仰春秋之蓋高矣長周家之宗盟是為劉氏之

祭酒茲崇宗祀與贊上儀冠班列于三孤聳儀
刑于九族乃加并賦仍侈在腹以表耆英以隆
孝治于戲祭有千倫之義莫如同姓之先備者
百順之名蓋介避齡之永頌如壽後奚假訓辭
可

賜告口宣

有勅卿位冠孤卿望高宗老既奉合宮之祀
加米邑之封雖曰尋章是為新渥

郭師禹加食邑實封刺

門下朕祇事總章荷神祇之來格廣施惠術普

中外以惟均預予元舅之親嘗與屏工之相肆
加異數明告周行具官某迪德忱恂飭躬謙請
祖后實為子同氣，壽皇尤篤于優恩淑旂後
章令沒齋壇之鉞篆車希冕道升棘位之班疏
三吳公社之封廩方壽祠庭之祿能序膏臬之
習自忘圭組之崇比卜季秋親祠重屋茂對三
神之祉宜先四姓之矣用衍愛田載加貞食于
戲競業，以事上帝朕敢懷專御之私洞
屬，而存小心尔尚介方來之宥益昭吉履永
保修名可

賜告口宣

有勅禮畢九筵思均百辟賜予伯舅之胙內茲
宣室之厘与邑既多頌綸可後

賀全因生辰使副梁摠戴勳到闕傳

宣撫問并賜銀合茶藥口宣

有勅卿等遠聘殊鄰旋歸近境念舟車之勞勤
頌茗劑之珍芳仍命行人往將予意

金國吊祭使人赴闕口宣

肝昭軍傳宣撫向賜御廷

有勅卿肅指使指來慰國哀眷入境之云初豈

肆筵之可後往宣予意以勞尔勤

鎮江府賜銀合茶藥

有勅卿等肅擁使華廷將慰禮經鐵鬼山川之
險錫出食茗劑之珍宜休眷懷用安旅次

鎮江府賜御筵

有勅卿等來趨素幄行次丹陽雖深銜恤之悲
不廢示慈之宴是得厚意式宥行人

平江府賜御筵

有勅卿等遠從燕貺近及吳門深嘉信問之勤
宜備賓筵之渥其承果眷益進未程

賜新知鄂州吳瑒辭免不允詔

勅具悉卿奮自戚閑被服儒雅維齋壇授鉞棘
位通班人終以用未盡其才為言矧襄漢上游
嘗騰善最武昌重地宜分顧爰何必固辭亟其
祇命

周必大加食邑受封制

門下朕嗣守邦圖肇修宗祀又天母地祭既重
于合袞尊祖敬宗禮尤虔于並俯予一人
越緋以行事爾多士奉璋而侍祠春日弼以具
思碩慶條之可後誕攷渙号敷告斯廷具官某

簡重而閑深直方而庸敏典誥上規于姚姁詞
章遠軌于漢周弼亮兩朝朱完經綸之蘊鎮
安四海有懷康濟之功偃藩南國之雄均逸東
山之勝比以需息之涯升之亞傳之崇生想不
忘之言方切屬仲大報凌啓合宮載謀載惟
全又嘗頌于先甲我時我享季秋乃卜于仲辛
熙事既成藩厘未介申祈多田之賦仍加真食
之封于戲明堂王者之堂方荷神休之荅二老
天下之老宜先祭降之施尚迪遠猷永後殊寵
可

賜告口宣

有勅卿嘗位處司均休真館屬總章之後事賦
多色以示恩其即款承以祇春渥

賜趙彥逾再辭免新涂端明殿學士
中大夫四川安祥制置使兼知成
都府不允不得再有陳清詔

勅具悉蜀道天下之絕除也然以為難則難于
上青天以為易刻易于履平地是在人爾卿嘗
總軍餉調度五千餘州以廉明怒蜀人誦之茲
庸命以制閩之寄蜀父老聞卿之來必有不待

教而孚者矧視儀政地位望愈隆尤足以示朕
不志遠之意謀帥之重蓋無以易卿者矣

賜趙汝愚辭免大祀加食邑實封不
允詔

勅具悉朕祇事總章懼弗克堪卿以端揆身專
使領天地並况神明顧歆事備成顯相之力
也賦以多色具有故實既免告廷之禮何事循
牆之避

金国吊祭使人赴闕口宣

赤岸賜酒果

有勅卿等遠將慰問來屆近郊先之旨酒之頒
增以嘉穀之錫少安次舍用息勤勞

賜御筵

有勅卿等控節載馳越疆來吊將展國喪之禮
且先郊勞之儀其醑春私少休優薄

賜袂褥鈔銀

有勅卿等遠致奠儀以勞客路爰厚寢衣之賜
仍分盥器之珍跋履之餘撫存加倭

密賜大銀器

有勅使華既接吊禮斯勤宴已備于饗殮器仍

加于銀錢是為異渥少慰矣勞

賜生餼

有勅卿等少安賓館既畢吊儀按聘禮以受應
命厚人而致饒諒均徒御咸休春懷

賜內中酒果

有勅卿等禮謹吊喪退時即次頒酒穀于內府
示恩寵于來賓意則有餘物惟俱稱

朝見訖歸駟賜御筵

有勅卿等慰此國哀見于喪次爰暫休于燕飾
用初扶于賓筵首示殊私嗣加好賜

就駟持賜衣服金帶銀器衣者
有勅卿等吊喪自遠寧祀無違器分山溢之珍
衣有身章之寃雖云多品未盡至懷

賜內中酒果

有勅卿等肅行使節來唁喪情嘉有容之多儀
出尚方之珍品其芳俱厚寃春彌加

在駟持賜射弓酒果

有勅卿等既肅哀儀難修賓射耀輟生皮之藝
仍加設醴之勤殺核俱頒情文尤厚

時賜射弓御筵

有勅卿等交鄰有道序資以矣屬當變

仍飭初筵之賜穿楊何取折狙惟優

特賜射弓例物

有勅卿等慰予固恤厚乃賓儀雖觀射之未遑
顧匪頌之可後悲從常禮以表眷懷

朝辭訖歸駟賜酒果

有勅卿等品哀事畢贈賄禮成將適車馬之歸
載厚壺篚之錫其承喜覲復啓長筵

賜御筵

有勅卿等既趨素幄遂別彤墀禮不替于杖輿

恩更加於觴豆尚安旅次徐屆歸程

回帛祭國書

望社上僊雲馳赴閭冲人嗣位方服通表荷信
使之遠來辱帛儀之加厚益堅盟好弥切感悰
哀疾既深敷陳難究

回賀登室位國書

祇奉慈謨勉承丕詒此飭行人之告茲勤信使
之來儀物有加書函尤備既荷禮文之厚益欣
盟好之堅爰謹振章用陳謝悃

振謝登室位國書

祖武是繩孝思方功勤使華之遠暨知盟好之
弥隆品物具陳情大俱称此已騰于振積爰再
飭十行人仍致彝儀用將謝悃

賀慶元元年正旦國書

三陽攸慶方風戒于行人方里交歡復遠勤于
信使惠以函書之厚加之篚幣之豐爰飭振章
備宣謝臆惟益堅于世好冀均介于春祺

奉上孝宗皇帝謚冊室成穆

成恭皇后謚冊室奏告天地社
稷十神太一祝文

伏以壽皇即遠方之于尊極 祖后俱從當
更于日謚將嚴室冊敬告神抵

天慶現報恩光孝現青詞

伏以仰惟烈祖將祔太宮集百官于圓丘既
奉稱天之禮遷 二后于別廟併陳更諡之儀
祇率旧章恭修淨供敢仰昭告仰冀洪休

賜新除刑部侍郎具摠辭免不允詔

勅具悉卿少習憲章歷官棘寺為郎為卿皆以
政選正以明諫吏事心計有餘遂持使節遂董
軍餉擢式民曹俱號稱職若今秋官處負捨卿

尚誰屬耶明无葛誠若自道然万里使还經俾
為負食日汝諧何辭之有

賜具塘再辭免不允不得再有陳請

詔

勅具悉朕立矣無方惟才是用亦不允日古矣
而左戚也尔嘗主漕計總軍餉出帥襄陽皆有
治狀可紀而強仕之餘使之奉祠燕處可乎鄂
渚兵民雜居号称難治正倚才力勿復謙辭

賜王蘭辭免覃恩轉一官不允詔

勅具悉朕嗣位之初覃霽四方小大之臣罔不

均被卿以元樞日德出鎮雄藩序進一階亦惟
彝典忽披遜贖殊弗春懷其服息光女畜朕命

師夔加食邑實封制

門下朕寅詔丕圖虔修大饗親惟伯及既有功
於多儀神命蕃厘詎敢云于專卿亶敷命綽用
告折迂具官某履行粹和稟資瑞靖生長神明
之胄源流詩禮之傳出分顧憂免民庸之甚茂
八超班綴奉朝謁以尤恭建子壽彝之承家視三
孤而命秋屬講肇祠之禮適當越緝之行攝事
六宮降登有度陪祠重屋顯相无遠庸推祭澤

之優可後宗盟之懿爰如并賦併衍合祖茲謂
恩褒式昭名數于戲奉犧牲粢盛而告幸奕布
政之宮拓山川土田之特益示展親之義其祇
異渥以对灵娛可

賜告口宣 吳瓌吳琚同

有勅祀成重屋賚及方宜首及于懿親用申
加于多邑載放明命其服殊息

吳瓌加食邑實封制

門下朕穆卜季秋躬修大祀灵祇授職幸庶事
之儀成多士在廷賴懿親之顯相宜放惠衛敷

告羣工具官其謹畏自將繩和無垢聰四姓小
侯之貴承 三朝外戚之息入待中衣屬囊韉
而甚肅進班上閣飭冠佩以尤戾頃建齋壇退
安琳宇旋視孤御之袂併開公社之封建歲禮
于九延矣均厘于可罔乃增未邑仍衍圭腴以
彰寵數之優此衣肅雖之助于戲鬼工儀于湯
館豈惟黍稷之馨錫蕃祉于后家可後服膳之
賜尚縷吉履以服彝章可

吳塘加食邑實封制

門下合宮肇祀安祇奉于慈謨宣宣受厘爰大

頒于霈澤惟時懿戚夙著矣稱庸奉徽章式享
漢号具官其美由世濟才應時須登替筆持橐
之懸惟知避寵更握節擁麾之選不專為息此
崇建於齋旄旋覆加于孤棘逮茲大報贊我上
義禮既備于八階昨惟優于四姓俾增多賦仍
衍其腴于戲文德以講明堂幸神祇之預饗賀
慶以親異姪亘福復之均霑維曰邦彛尚承惠
渥可

蕭鷓已加食邑安封制

門下奠圭瓚以薦誠既慶修于宗祀執豆蓬而

在列宜咸被于灵族眷我虎臣董兹羽衛厥有
渙恩之錫式彰顯相之勞具官某智略推深性
賀沉鷲望雲就日夙肩面內之誠建旆設旄則
致總戎之拜秦貞祠而均伏視左棘以疏榮乃
日霈澤之行增不爰田之賦申如負食用侈神
休于戲承異春于三朝蓋屢覲祿丈之盛敷
大賚于四海願可無寵數之優蓋後念罔以保
終吉可

郭果加食邑實封制
門下朕頃用盛秋處修宗祀奉犧牲以薦備陳

重屋之儀賴爪牙之良肅領千庠之衛既云竣
事可後均釐我有明綸告于列位其官某生資
沉毅世濟忠勤氣稟山西期遠追于起翦書傳
記上自有合於孫吳以專將闡之雄入侍殿堯
之遂屬振考饗務罄齋誠奉璋惟多士之矣執
戟有元戎之重肆疇采邑仍啓侯封以介灵林
以軫異渥于戲茅簷蒿柱朕方躬大禮之爇玉
節瑀女角尚体中权之寄益懸忠振欠荅殊知
可

賜告口宣 蕭鷓已同

敬

有勅礼茂重屋澤及羣工錫多邑于彙除啟新
封于侯甸蕭收春秋致其祇明命益勵忠猷

太上皇帝本命方寿現設醮青詞

伏以離德維明方極慈闈之春日宮告曆載逢
辰次之周啓純福之殊建演虛皇之妙旨霓旌
來下宝炬交輝願申箕翼之期長謹晨昏之卷

高散朱表

伏以慈宸燕慶高蹈于希夷葉館陳儀用折于
寿嘏純誠上達灵鑿具孚冀福祿之來崇致庭
闈之同慶

侍講陳搏良朱熹宣赴任筵供職曲

謝宣答詞

有制朕務明政休首闡經惟嘉旧季之來歸喜
耆儒之同集其息忠告以副畴咨

初講畢業前致詞降殿曲謝

陳傳良

有制首頌召命渴想忠猷聳聞講貫之詳抗若
從游之旧克諧朕志益啟乃心

朱熹

有制久聞高誼傾仰嘉猷未侍通英之游講明

大至之道庶幾于治深慰予懷

孝宗皇帝謚号下日改換銘旌奏告

祝文

伏以 烈祖在天南郊定謚既遵即惠之典載
脩神明之旌仰惟威灵俯鑒城恪

孝宗皇帝攢宮神圖除去鋪屋窠木
等秦告 昭慈全獻皇后 永祐

永思陵祝文

伏以 皇祖上僊期方臨于七月稽山片後地
實近于 諸陵暫撤徽 房稍開宰木懼有驚於

神御敢先叩於威灵仰冀浩慈俯加阴祐
賜周必大再辭免少傳不允不得再

有陳請詔

勅具悉朕勉紹玉圖方修初政肯推霈澤傳及
羣下惟予元老之矣宜涉孤卿之秋偃息而藩
魏室何必在廷寅亮而命周官是為進律載
來卷珠拂眷怀卑于公尊于卿亦惟灼耳一向
俯再向偃何以多為茲繫具瞻毋庸固避

賜梁栢辭免奉使回程特轉一官不

先詔

勅具悉卿輟自從班遠使鄰國服勞已甚成禮
而還序進大階厥有旧典往祇渙命何事謙辭

賜知州何澹辭免曾任藩邸講官

轉一官不允詔

勅具悉卿頃以儒異授經于朕逮予嗣服養法
不忘求之斤比旨進兩秩旧隙遜避俯徇其請
在卿大何辭焉宜遂款承母至子再

金國吊祭人使回程口宣

賜龍鳳茶并金鍍銀合

有勅遠修傾問茲遂旋歸茶分北苑之珍冠備

南金之飾是為異渥用慰遐征

赤岸賜酒果

有勅卿等遠旆云初出郊于迺加六表六筵之
饋致三辭三揖之勤式慰爾歸用特予意

賜御筵

有勅卿等成禮云歸啟途來遠意方勤于郊送
恩宜祝于賓初既厚春私益堅信睦

平江府賜御筵

有勅卿等吊儀既備使事言旋行已次于蘇臺
恩仍領于鷄燕禮夾加厚容路具宜

路賜使副冬至節循

有初使且北歸日万南至載念修途之役俾加
厚獎之將其服恩榮高寬旅息

讀祭文官

有勅卿遠陪膚使歸遇新傷疾頌來帛之温以
助重喪之慎益昭眷渥庸慰矣勞

三節人從

有勅長至維時遠歸在道言念禦宇之具特加
實篚之珍賚賜有差恩私毛異

鎮江府賜御筵

有勅卿等來修慰禮既畢使儀望北蕪以還轅
至南徐而懋節庸加燕衎其悉眷私

盱眙軍賜御筵

有勅卿等來成使禮歸次邊疆更加宴豆之勤
不替權輿之旧其承眷禮遂戒征途

玫瑰先生文集卷第四十二

四明樓

鑰大防

內制

孝宗皇帝祔廟修製祔室 太廟殿

宇廊廡權奉安 祖宗神主於初

獻廳時前奏告祝文

伏以仰尊 烈祖將祔太宮奉二代之宗祧飾

累朝之祐室暫遷 神主敢告威靈

權奉安 神主祝文

伏以崇飾太宮奉遷 神主少寓齋居之邃以

頌祐室之成敢莫憑依用伸虔告

祭祀 太庙土地祝文

伏以修崇清廟升祔 孝宗念升祭之文興懼
神示之或謏敢見昭告願相委儀

閣仲續康伯修奉 櫛宮傳宣撫問

并賜銀合茶藥及唱賜一行官吏

工匠等犒設口宣

有勅卿等視役 山陵宣勤夙夜勞風寒之夏

薄頒若劑之珍芳好賜有差工徒無怠

孝宗皇帝梓宮祭引祝文

啓櫛

伏以 阜陵既飾靈駕將行遂從禹穴之藏或
啓商楹之殞攀號何及昭告宜先

前夕日 初昏奏告

伏以電旁有期念終天之永訣靈輿即遠痛誥
且之將行重惜分阴深增孺慕

祭引時前祭告

伏以六紼有行九京寢遠追念抱孫之愛阻神
臨穴之勤少駐頌史不勝哀殞

啓奠行礼

伏以於穆孝宗將越神冗爰諏穀旦肅引壽
輶顧挽緇以唯留遂遵途而即遠音容愈邈慟
哭何堪

祖奠行礼

伏以陵宮既備愴我祖之何之緇髮啓行
痛仙游之不返祔龍輶而永訣駕鯨浪以遂惠
祖祭是修哀號愈切

下皇堂時前奏告

伏以於皇文祖將就最塗愴永闕於衣冠痛
莫觀於几域式安玉體絕望天顏

掩櫬畢迎奉 御容詣下宮奉安

伏以明我祖奉電窆以既安雖在宮痛
感容之愈邈天顏惟肖神宇具依不勝追遠之
悲敢致安靈之告

孝宗皇帝梓宮發引奏告天地社稷

太廟別廟太一宮祝文

伏以烈祖上賓阜陵告洛茲落最塗之回
將趨北域之臧敢告先期仰祈陰佑

天慶見報恩光孝現青詞

伏以嗟烈祖遽臨同執之期浩昊天實

相曰山之役廼涓穀且將啓叢塗仰叩高身願
神昭告欣願俯

重感時之慕乃開前殿肆展大齋伏願功濟無
邊神超有截冀慈悲之明證普幽隱以均霑万
國歸仁顧何資於佛力九天垂祐期永固於邦
圖

賜知秦州韓同師辭免改授正任現
察使在京宮現不允詔

勅具悉朕勉承丕祚肇正中宮爾為后父之親
召自淮壩之守眷惟相種本出儒門屬王姬下
嫁之恩致武爵流傳之衆茲優歲開超拔康車
俾仍奉於內祠蓋一遵於故典是為允幅其又

奚碑

報登宝位使副鄭提范仲士到關傳

宣抚副并賜銀合茶藥口宣

有勅卿等握節言旋及門伊迎厚拜前珍芳之

賜勞川途跋履之勤庸序爾情固將予意

萬

皇帝本命方壽現青詞

伏以至朔同日方遇新陽之亨支干相生又逢

元命之吉乃蠲琳宇大啓琅函恭願高貞俯矜

忱悃兩宮同慶奉萬歲之玉卮兆姓均歡開

八荒之壽域

滿散朱表

伏以我生之辰卜云其吉適際履長之慶又當

告朔之初肅演貢科津陳淨供其垂昭鑒式介

著禧

孝宗皇帝虞主自浙江還 重華宮

敬吹導引曲道宮

孝宗純孝前圣更何加焉蹈處重華卅成仙去

龍輔遠越岸暮山遐波臣先為摯寒沙來徵護

靈槎九虞祀奉神祇樂万世佑皇家

孝宗皇帝神主自 重華宮至太廟

祔廟鼓吹導引曲

吾皇盡孝宗廟務崇尊鉅典備彌文魏 東向

開基主七世祔 神孫追思九副整乾坤寰宇

慕洪恩從全密迩 高宗室千載事如存

孝宗皇帝虞祭畢卒哭行祭祀祝文

伏以阜陵復土既修易奠之虞班祔有期遂卒

無時之哭仰遵禮典莫究哀悰

孝宗皇帝神主祔廟并 成穆 成

恭皇后神主同時祔謁升祔奏告

祖宗帝后祝文

伏以竣事

阜陵既畢九虞之祭寧神祐室實

同 二后之升

祖宗是依照穆以序實禘禮

典敢告 威震

賜現文殿奉士致仕奉彥額銀合茶

華詔

勅某朕祗紹丕圖緬懷故老卿 前朝旧弼佑

我 烈祖遺榮告歸世雅典刑比進嘉言尤見

忠荏一水間之日勞汪想爰頒飲劑以實 奩

間勞有加將予至意

賜龍圖閣奉士致仕程太昌張大經

敷天閣直學士致仕汪大猷顯謨

閣待制致仕程叔達宝文閣待制

致仕沈樞敷文閣待制致仕李昌

圖銀合茶藥詔

勅某朕寤寐矣後懷思老成鄉頃侍 孝宗夙

著声望別經告老 張大經段垂車告老 世推典刑迨予纂承

渴於一見爰加問勞仍有匪頌體予至懷無忘

志告

賜銀合臘葉勅書

荆湖南路安抚使王蘭

勅某卿西樞故老南國元侯念茲歲發之辰錫

以奇珍之劑體予至意勉再社慈

四川安撫制置使趙彥逾

勅某卿視儀兩地出鎮四川錫昌劑之奇珍慰

風寒之區薄益厚願養用寬顧憂

主管侍衛馬軍行司張師顏

勅某卿肅領騎兵分屯江國願宝奩之珍劑慰

玉帳之凝寒其醉眷懷益思忠盡

御前諸軍都統制關世雄皇甫斌

張詔趙廣刘忠刘震

勅某等肅提禁旅列戍藩方念以處於轅門俾
匪頌於奩劑毋云例卷其服恩綸

御前諸軍副都統制馮湛張國珍

田世輔李世廣王宗廉王知新

勅某等狎遠臨外戎密贊中樞念營壘之嚴寒

錫禁庭之上藥尚思奮厲以答恩私

金國賀登宝位使人赴闕口宣

盱眙軍傳宣旆詞賜御筵

有勅卿等持祀遠來入疆伊始念川途之區薄

加燕勞之優隆徒御少休賓儀無異

鎮江府賜銀合茶葉

有勅卿等來擁使華遠申盟好念車之勞役
頌茗劑之珍芳爰飾宝奩以近玉節

賜御筵

有勅踐祚雲初親仁是務肅使華於近鎮護賓
祀於初筵益屆來程以承眷渥

平江府賜御筵

有勅卿等遠持賀祀宗次輔邦再加燕衍之私
庸示眷存之渥少休跋履且慰勤勞

赤岸賜酒果

有勅卿等來次郊關肅將頌禮寵以上尊之賜加之碩果之珍式仰來游以堅信好

賜御筵

有勅初御至圖遠勤信使既次郊關之近載加燕豆之饗其體眷私以承虛佇

賜資政殿大學士黃洽辭免覃恩轉

一官不允詔

勅具悉朕踐祚之初訪予落止緬懷旧弼嘗下求言之詔矣乃周覃需俾進文階固有鼎章非

乙

龍特轉一官不允詔

勅具悉烈祖上賓孝思日切仰威靈之如在率祀不違念攀附之幾入獨汝无恙爰自棄車之秩特升留務之班其朕異恩寧容反汗

春分前修飾 贊宮奏告 諸陵祝

文

伏以歲序流易春陽正中既當雨露之濡益愴宮陵之念繕修惟謹種藝以時敢告先期尚祈昭格

賜參知政事京鑾辭免 孝宗祔廟

此五首
在の十
三七老

畢特轉一官不允詔

勅具悉朕尊奉 皇祖無所不致其厚而送終之禮祔廟尤深卿以輔臣相比盛儀已事而竣可後褒賞進以一秩誠不為過賞有先後既已均及卿可独辭乎

太上皇帝本命太一宮設醮青詞伏以鳳曆紀年方協仲春之序龍樓致養載臨元命之辰落崇福之殊庭修朝貢之節供靈光下映景既未臻高視希夷願衍万年之慶恪共溫清益嚴五日之朝

有私於卿也其服訓詞毋煩多避

賜周心大再辭免少傳不允不待再有陳請詔

勅具悉朕嗣膺洪祚注想宗比陞孤棘之班實一需蓼蕭之澤維云恩厚非曰予私凡卿之言近已行於一二顧朕所与辭何至於再三若夫胞爵之科无匪尊矣之意尚承眷渥毋事勞謙

金国賀正且使入赴關口宣

盱眙軍傳宣抚問賜御筵

有勅卿等遠將聘礼來賀歲元既加志勞之勤

首示肆筵之渥其祇眷意益謹賓儀

鎮江府賜銀合茶藥

有勅玉節方來宝奩是錫取雪芽於北苑輟珍
劑於尚方併寵行人用昭眷意

賜御筵

有勅鄉守遠持華節近次未方行登象日之戒
重錫需雲之宴益加盛禮庸示眷私

平江府賜御筵

有勅履端之始修聘甚勤行既次於近藩礼宜
加於載燕是為異渥其服多儀

赤岸賜酒果

有勅鄉等遠從萬里來賀三朝望現關以非遙
賜壺筵而加腆尚承眷渥以締欢盟

賜御筵

有勅履端之始將命以來既聞歲旬之登宜厚
賓籩之錫眷私所逮使介惟均

賜使副春幡勝

有勅綵杖土牛方奉春郊之礼室幡全勝爰加
使客之恩和氣所鍾欢盟益厚

賜三節入從春幡勝

有勅禮嚴修好時重履端爰加厚於使華乃分
頒於節初儀雖辦等意則均優

朝見畢歸賜酒果

有勅卿等既觀軒墀歸安次舍俾厚壺道之賜
少休車馬之勞母曰彛章實維至意

賜生餼

有勅卿等進講賀儀退休賓館既設豆笾之渥
仍加饗餼之頒尚禮眷懷以頌異數

賜雨中酒果

有勅卿等來趙日止茲遇歲餘出御府之甘芳

取翮庭之宴集益修賓禮用介春祺

賜被褥鈔鏐

有勅卿等來趙元日將觀天昕爰加賜於履衣
仍分頒於盟需用安旅次以示恩私

入賀畢就賜酒果

有勅歲律更新使輶遠暨酒致屠蘇之勝盤隨
椒柏之芬均受春陽益增和氣

玉津園射弓賜御筵

有勅茲開禁籥用設射侯既現舍矢之去爰錫
在公之燕有弁必中不醉無歸

有勅卿等甫醉殿幄尚憇賓部載為川陸之行
更厚壺逆之錫益祗眷渥以示初終

賜大銀器

有勅卿等既成聘禮將治歸裝廼頒什器之豐
皆用五余之次是為異渥式助遐征

回程賜御筵

有勅卿等成禮言歸登途欲遠仍特頒於載燕
曾不替於初筵春日尚寒賓僚加厚

孝宗皇帝祔廟樂章

聖人之德無加於孝思皇 孝宗履行立教始
終純誠非曰笑貌於万斯年是則是儆

太廟修置

太祖至

高宗室

帝

后神主祔室畢工時前奏告還殿

室祝文

伏以班祔 孝宗崇新清廟備 崇朝之祔室
奉 列聖之神靈敢告克期冀垂昭格

還殿正奉安祝文

伏以 阜陵竣事太室鳩工爰歲祀於宮廷用
妥靈於宗祏以享以祀來寧

孝宗皇帝祔廟時前告遷 成穆

成恭皇后神主諸幄次權行奉安

以俟開時祔謁并祔祝文

伏以 阜陵竣事奉神主以即安宗祐致爨妥
柔美而並祔稍遷邃幄將奠太宮惟時之良敢
賴以告

太上皇帝本命太一宮設醮青詞

伏以 龍樓致養方安開燕之居鳳磨告辰仰獻
壽康之祝啓青藜之秘采演瓊笈之殊科敢冀
高靈俯歆誠意益介万年之慶恪趨五日之朝

字

滿散朱表

伏以 歸尊于 父遠逢元命之辰降康自天爰
致修饗之祝春 阴伊迎熙事告成祈景既之來
臻華皇圖于不拔

賜榜伴使副春幡勝口宣

有勅卿等往迓使輶還趨行闕植陽和之屆律
加好賜之如儀其服殊私益祗厥事

孝宗皇帝神主祔廟前二日奏告祝

文

天地

伏以尊祖祀嚴日山事畢用宏開於宗祏將
升祔於雲儀信宿之先嚶齋以告仰祈昭鑒永
賴享休

宗廟

伏以於皇文祖既畢安虞爰考祀於前朝盍
妥靈於太室仰瞻烈聖敬告先期其永無疆
克昌厥後

別廟

伏以惟我孝宗將登清廟設九虞而既畢奉
二后以同升永世是承前期敢告

太社太稷

伏以永阜訖功孝宗升祔惟億載万年之
鉅典告九土五穀之明神願鑒先期式垂享佑

太一宮

伏以烈祖上賓太宮升祔國之大事其敢弗
虔天之尊是當先告冀垂昭格用安威靈

天慶現報恩光孝現青詞

伏以阜陵復土既華于九虞太室寧神將傳
於万世是為重事方講盛儀永惟尊祖之誠追
述敬天之老前期是告降鑒孔昭

改元慶元奏告 昭慈圣獻皇后

永祜陵 永思陵 永阜陵 成

穆 成恭皇后攢宮表文

伏以仰奉 慈謨勉承玉祚將興嗣歲首議嘉

名惟慶曆最為盛時而元祚尤冲公道履端伊

邇敷号云初敢告威靈式祈孚佑

賜殿前都指揮使郭果辭免修蓋大

內福寧殿等特轉一官減三年磨

勘同投不允詔

勅具悉朕俯 狗群臣之請歸安廣內之居碩棟

字之崇成念二徒之勞止 卿親臨磬鼓祗事殿

巖訖役云初懋官可後說有馳息之命毋煩避

免之詞

金国賀登宝位使人到闕口宣

賜被褥鈿銀

有勅御等肅將使指來賀君臨式頒盥洗之珍

仍致褒函之震用安次舍其服恩私

賜使副春幡勝

有勅御等遠修郊好遠遇春阳爰加節物之頒

庸示使華之宥尚祇渙渥益締攻盟

賜接伴使副春幡勝

有勅卿等迓客于畿還朝有日當明新春之始
特加好賜之優其體眷私益脩使事

賜三節人從春幡勝

有勅春起於東使來自北奉綵杖玉牛之禮頒
宝幡金勝之華儀別有蓋恩無所異

朝見畢賜御筵

有勅卿等來致賀儀歸安賓館念川途之勞勤
設樽俎之優隆庸示眷勤少休跋履

賜酒果

有勅卿等祛圭修聘將幣成儀爰加芳醞之頒
仍厚嘉穀之錫少休徒御以俟賓筵

密賜大銀器

有勅卿等陳儀既隆執禮滋勤欲深示於情文
爰密頒於用器非金之貴惟意之將

賜內中酒果

有勅卿等來修和好克謹賓儀分御府之甘芳
示使軺之華寃雖云例卷蓋出殊恩

賜生餼

有勅卿等既謹朝儀退安賓次俾廩人之致餼

冀使者之加餐異數相望眷懷增厚

特賜御筵

有勅卿等趨朝甚謹授館方安修客禮以無違
秩賓筵而有楚用將予意庸慰奮勤

特賜酒果

有勅卿等進謹朝儀退安賓館齊此一尊之腆
加之有核之珍蓋示殊私尚承好賜

玉津園射弓賜酒果

有勅卿等肅駕使輶共修賓射詩慰四方之志
想閑百發之能爰錫甘芳少休勞勩

賜射弓列物

有勅卿等講射寶津視儀相圖爰首頌于孤矢
仍加賜於金縢張弛具宜息私愈渥

朝辭畢歸駟賜酒果

有勅卿等禮成無闕事畢言旋錫列甕之芳醪
頒加筵之珍果少休賓取行屆歸

賜御筵

有勅卿等屢勤入覲茲遂告歸更加進豆之饗
不替叔興之始尚祇燕禮徐戒行裝

特賜銀

有勅卿等備成使事俱趣歸程特頒山溢之珍
用勅星馳之役毋云故事蓋示優恩

回程赤岸賜酒果

有勅卿等已祗聘禮初許歸程迺馳賜於一尊
仍分頒於碩果少安旅次徐屆征途

賜御筵

有勅卿等特禮言還戒途伊始爰啓在公之燕
用華修聘之歸既秩實筵遂登客路

賜龍鳳茶金鍍銀合

有勅卿等邦好既修回途未遠珍茗選春芽之

賜寶奩分山溢之餘是曰殊恩用將厚意

平江府賜御筵

有勅卿等贊禮既周歸程浸遠甫即蘇臺之
載修鑄燕之儀益向長途毋忘厚意

鎮江府賜御筵

有勅卿等遠東致慶修遂言旋念北客之改轅
即南徐而錫爵春秋死替禮貌深修

盱服軍賜御筵

有勅卿等來持慶禮回次边疆欲締好於兩
朝復陳儀於四筵行當上道更祝加餐

賜知樞密院事陳騃乞歸休不允詔
勅具悉卿儒季老成有大臣體肆股簪服方厚
倚毗何為露章遽祈用退謀猷克壯神明未棄
其謹輔予無事力請

皇帝奉命万寿現設醮青詞
伏以嗣位踰年方更歲紀之号履瑞翼日適遇
我生之辰爰即琳宮式陳宝供奠高靈之華鑒
介多福於方来上寿 三宮長遂承顏之樂均
厘万宇咸典擊壤之謠

蒲散朱表

伏以莽春之初維戊之告方上椒觴之慶繼陳
瓊笈之科荷負取之溥臨喜休祥之来下既成
熙事敢薦忱衷

改元奏告祝文

天地現報恩現司

伏以繡緒何堪改元惟謹稽 仁祖致平之盛
頌 秦陵嗣德之初合取嘉名用綿丕祚取伸
昭告仰冀享休

宗廟諸靈表又同

伏以承 列圣之休謹踰年之制合太宗明皇

之号有唐实創於嘉名仰慶曆元祐之時我未
尤稱於盛際爰肇新於歲紀敢虔告於威靈

社稷

伏以嗣位承休喻年改号取慶曆元祐之盛期
紹重規仰勾龍后稷之神用伸昭告尚祈灵佑
益介炎圖

太一宮

伏以別歷云初紀年敢後合 兩朝之盛爰号
慶元告十神之灵用祈福佑尚惟昭鑒永助丕
基

金国賀正且使人到關回程口宣

賜龍鳳茶金鍍銀合

有勅卿等將命言旋登途寢迷飾宝食而加悉
实珍茗以分頒深示恩私式安行役

平江府賜御筵

有勅卿等來賀履端更勤歸報荐錫具門之宴
用津燕駟之行春日尚寒征途加護

鎮江府賜御筵

有勅肅持宝節还次丹陽仍優宴豆之儀用慰
川途之役其均既醉毋憚過驅

賜新除同知樞密院事鄭僑辭免不允

有勅卿等遠頌元正迄修使事爰津筵於邊服
將夙駕於歸途眷禮之表始終无異

賜新除同知樞密院事余瑞礼辞免不

允詔

勅具悉朕惟看廷之任事體至嚴非長材不可
以濟時非壯猷不可以經遠卿兼資文武久贊
樞机輔政以來輸忠无隐報自中臺之武進專
西府之叔藏自朕心益隆兵本是為妙選非以
叙遷公論具字遜章可略

賜新除參知政事京鏗辞免不允詔

勅具悉卿以通敏剛達之才受知 烈祖擢之

法從付以全蜀 太上召还文昌有意大用津

朕纂服登貳西樞關决筹惟勳稱朕意是用進

參机政究经济之蕴鎮浮應變卿所優為眷倚

方深毋庸多遜

賜新除同知樞密院事鄭僑辞免不允

詔

勅具悉卿久儀禁路人望最高垂上政途詳試
帥閭天官之長至勤三八西樞為二盖已晚矣

朕訪咨求助二三大臣是託以卿宏才素蘊練
達因倅急于登用以冀治功其祇成命以圖曰
本兵之務勿以謙避為煩也

賜正議大夫陳揆辭免除戒與卿不

允詔

勅具悉朕惟釋政机而均逸者大百全進退之
宜界華戒以示寵者累朝篤始終之眷矧惟
耆哲朕所倚毗專而樞本兵之權兼東府基命
之地俯徇忱請暫分外藩恩祀加漫典章可考
少頃除命何用謙辭

賜王簡再辭免覃恩轉一官不允不

得再有陳請詔

勅具悉朕勉承基緒犹懼弗堪實賴臣鄰相与
協濟不有近輔孰為之贊襄不有外藩孰為之
屏翰需思所建中外惟均矧如日弼之矣方倚
上游之重需章海至渙号雅回其遂欽承毋為
固避

賜御史中丞謝深甫辭免兼侍讀不

允詔

勅具悉進讀露門自昔高選肆朕纂承之始首

務詳延妙律法從之矣不以輕昇以卿署資端
亮李剛淹該議論止平實長風憲俾侍經帳士
莫之先胡為引辭尚當朕命今行弗反倚聽嘉
歎

賜余端禮再辭免知樞密院不允仍
斷來章批

省表具之鄉自遵本兵精隆時望有致君泽民
之志有履邊思職之勤迨參政幾又嘗共二其
於基命宥密之地詳練久矣茲擘樞長非卿誰
屬大本疆則精神折衝制千里之勝者其机實

在於廟堂尚究遠圖以祇完命朕志決矣勿復
有辭

口宣

有勅卿精白承休勸勞匪懈爰自政塗之竣載
登宥府之崇成命既行牢辭勿再

賜京鏜再辭免參知政事不允仍斷

來章批答

省表具之本兵之任方倚於壯猷共政之求更
資於夫輔朕圖治道選用柄臣眷一相之處
中有嘉同德惟万幾之甚衆允藉協恭卿之長

才朕所深識奏陳剴切剖決精明進奏驥敏之
嚴益真訐謨之告既頌再命母事三辭

二
口宣

口宣

有勅卿召歸全蜀旋貳洪樞茲膺共政之圖實
倚告猶之益何勞謙避其遂欽承

賜鄭喬再辭免同知樞密院事不允

仍浙來章批答

省表具之朕惟孝宣樞机周密用以中興漢道
於今本兵之地尤号才雅卿以魁碩之才為士
天儀表踐揚最久望實具孚茲為登用朕非以

祗於卿所以尊朝廷也朕方庶幾孝宣之治卿
志在體國其遂秉德以陪朕顏豈次執謙為美
乎

口宣

有勅卿屢分帥閫三總吏銓茲進式於机廷方
之符於輿論亟其祇命何必固辭

賜宜州觀察使新除在京宮現韓僖

冒辭免特轉一官不允詔

勅具悉卿起由勳闕歷事累朝司上閤之多
儀承西樞之密昔皆極武班之選屢祈珍館之

間既察其誠俯從爾請爰宥加於當務乃更上
於需章其服恩榮毋為煩瀆

賜新除資政殿大學士陳駿辭免不

允詔

勅具悉卿器資剛毅經術該通久任事樞臨机
輒斷力祈開是善始以終况辭藩屏之除願處
祠庭之佚由衷有反請汗無嫌若規殿之隆名
永大臣之彝典再披遜牘殊弗眷懷用榮買臣
衣錦之歸毋作考父循墻之避

孝宗祔廟德音

門下朕躬繩社武日懋孝思万邦之君允有

昭孫之典七月而葬適當同軌之期長莫報於

皇慈惟謹棄於大事下夏禹必得之地追高

廟衣冠之藏載謀載惟既營神域必誠必信已

定靈輿近吉伏以言旋肅太宮而班祔躋儀云

備旧制可稽固已遵三年之通喪體累朝之

儉德蠲除浮費戒節虛文然念遺誥初頒都下

有奔若之優因山之際固人多供億之勤未免

煩會稽之徒豈特肆標旧之教神祇效順咸謀

恩封官吏宣勞均行賞賚寬井間之賦調清國

園之繹因庸推澤物之叙用繼憂民之志於呼
蒼梧不返人心惟慕於重華溫洛未歸陵邑
尚安於永阜咨爾有衆服予異恩

郭師禹特授少師封永寧郡王加食

邑實封制

門下朕慕上皇之丕緒承烈祖之通喪復
土告功既克襄於大事提綱置使實有賴於懿
親爰播明綸肆加殊寵具官其小心自牧吉德
著開奎席慶於椒闈寢陞華於棘伍恂家法
靡矜金兗之屠侃朝班久遂琳宮之適茲卜

會稽之麓徂營永阜之陵靈駕徐驅飭厥儀
而肅靖重臣主辦訖閱寢之固安粵惟元日之
崇可忘釀賞之報擊勞之彌匪朕敢私衮服命
圭顯冠孤卿之秋金印盤綬進封異姓之王仍
旄鉞於東秦徹土疆於南晉申陪井賦併修轅
疇以昭四姓之華以篤三朝之眷於呼鄴侯
仕漢得謹畏謙恭之聲尚父在唐有富貴繁衍
之盛豈其苗裔見此親矣其踵前人之休以為
密戚之功可

賜告口宣

有勅 阜陵從王元舅策勳既升冠於孤卿仍
疏封於王爵其祗渙渥毋事謙辭

攻媿先生文集卷四十二

攻媿先生文集卷四十三

丙制

四明樓

鑰大防



工辛祀感生帝以 太祖升俯奏告

祝文

天地

伏以祝感生之帝蓋已有年脩創業之君始從
今日敢伸昭告即冀享休

宗廟

伏以推功 藝祖既居東向之尊升有感生茲

謹上辛之祀仰瞻 列圣預告先期

社稷

伏以歲太微之精風祗大祀推 藝祖之烈升
侑明神惟社稷之炳靈設豆籩而致告

諸陵諸櫬宮表文

伏以上辛穀旦大旅盛儀爰推豆極之功克配
感生之祖遙瞻 陵域敢告吉期事體至嚴威
靈斯鑒

賜新除戶部侍郎袁說友辭免不允
詔

勅具悉朕曹天下之劇任也而卿為之之時尤
難向來國家多故事緒浩穰經費之外又增不
時之頌屬歲大侵調度不給卿孺奉後茂旧歷
靖華通敏有餘独任大計內之無關供之急外
之乞誅求之怨滿歲有奇勞亦甚矣為真已晚
又何辭焉

賜新除少師永寧郡王郭師禹辭免
不允詔

勅具悉 阜陵之役重事也朕不待躬執紼之
勞祖遣有行號慕弗已卿以王之元旧国之信

臣辨護宣勤為朕任送終之責往來順濟上下
無譁禮備安虞婦祔太室仰得以報孝宗之
恩朕可忘所以賜卿者豈進長孤棘仍加王爵
既渙告遷之命何煩避寃之詞並其欽承朕言
不再

禮祖 順祖 翼祖 宣祖 還殿上

奉安祝文

伏以新廟是營群言允協爰卜太宮之右用安
四祖之靈敢冀威神式歆典祀

奏告 太廟祝文

伏以肇舉盛儀宏開別廟祀 禮 宣之祝視
夾室以尤嚴遷 順翼之震祔先公而惟謹仰
祈 列聖俯鑒忱衷

賜郭師禹再辭免少師不允批荅

省表具之朕惟三孤之貴卑於公尊於卿異姓
之王直以茅胙以土皆 本朝之所重非懿戚
而誰居以卿德量有餘忠誠匪懈受隆知於
烈祖不專為恩護大事於 阜陵克勤乃職遷
茲歸報可後褒嘉既敷號以明揚雖循墻而安
避母為苛祀德沸眷懷

口宣

有勅位尊三少爵重異王用酬使頌之勞已播
廷揚之命荐披遜牘其服殊恩

皇伯祖太師嗣秀王伯圭特授兼中

書令加食邑實封制

十二月二十八日

門下朕祇紹炎圖適繩祖武追仰抱孫之愛
謹奉策塗實繫同氣之矣式專使領克襄大事
悉按旧章昭示殊褒用孚羣听具官某聯休皇
極正位泰階直大以方厚載體坤女之二爵齒
典德至尊全天下之三惟我孝宗最崇秀邸

春乃象矣之懿襲茲開國之封敬莫所尊受其
所親今當推於宗老及也如疑往也如慕况密
護於厥儀每入臨於朝脯不曾避於塗淹能以
縱心之歲躬為復土之勸有司莫敢不哀行路
為之感動語必流涕誓報平生之恩賞不踰時
肆奉非常之典是暮紫微令之重以為大父行
之華仍衍爰田併豈員食匪以爵而取貴恨死
官以酬公於呼隆專席之榮蓋用祥符之放矣
第中書之考會參尚父之勲名以增師尹之秩
以侈邦家之盛益緩弄假庸對寃光可

賜告口宣

有勅卿貴隆人爵尊嚴王封親臨 永阜之藏
寔列中台之列是為殊渥尚體眷懷

賜郭師禹再辭免少師不允仍斷來

章批答

省表具之卿世為懿戚任歷 累朝惟 孝宗

之恩每思所報故 阜陵之役特護其行人從

見闔門而養戚今乃知任事而能辨位列三孤

之長封疏五等之崇楊于義廷忤彼公論何為

固避屢卻復來其臣受於寵章毋重陳於遜贖

口宣

有勅 阜陵危役總使有行既竣事以來歸乃

疏恩而示寵其祇一札何事三禱

報謝使副林季友郭正己回程到闕

傳宣批問并賜銀合茶藥口宣 慶

元年正月一日

有勅卿手握節言旋登畿告至想風寒之厚薄

念川澆之艱勤若劑室奩併加存撫

賜伯圭辭免兼中書令不允詔

勅具悉中書造命之地令公師長百僚清貴華

重古人謂之鳳凰池者也。國朝之制率以寵
異親矣。然祥符天禧以還久不除此官矣。惟公
明德懿親貴重。死二三公兩鎮。何以加此。爰奉
曠典以資宗正。既無兼管。內樞之煩。從得老成
典刑之重。漢汗大号毋庸。固辭執讓。雖勤祀難
曲徇。

賜太府卿吳瑛辭免換授正任現察

使在京官現不允詔

勅具悉。卿生長戚闈。儒雅自持。佳公子也。名曹
繕監踐。教有年。總讓朱方寢。陞卿列矣。勞既及

寵以賜環。廉車由祠用。循故事。非以為褒美也。
春秋方富。而才可用。豈遂投閑。執母事。牢辭其
祇朕意。

賜新除現察使謝淵辭免不允詔

勅具悉。卿以祖古至親。往為使介。風埃万里。
不憚馳驅。成禮而還。褒陞可後。燕車之峻。遂登
從班。毋庸控辭。息所以稱此。則善矣。

賜知紹興府葉翥辭免除龍圖閣學

士不允詔

勅具悉。孝宗園山之役。凜然拱不克奉大事。

文昌老成尹茲東郊遊委已以聰高神明不衰
心計有餘酬酢万變調度百出卒之礼成而無
缺典用豆而節橫費朕心嘉之絕江不風入山
而雪有非卿之力助建職河圖始以示宠朕之
所以待卿者非止此也而又何辞焉

賜知樞密院事余端礼 辞免拜太傅
持節導 孝宗靈駕及奠謚册 謚

宝監掩 楷宮轉一官不允 詔

勅具老比者營圖東越襄奉 阜陵卿以本兵
之崇親臨後上之重往來俱順上下无諱塗潦

方深寒。盡王臣之節顏色无戚察。有棘人
之風朕方篤孝思幸周大事既賴送終之助首
加進律之褒是所宜然無可辞者

賜郭師禹 辞免隆礼册 命宜允 詔

勅具悉卿以祗奉阜陵顯頒制綽陞孤卿之峻
峻秩封異姓之真王册命之儀朝廷當隆控辞
甚力引義尤高雖俯徇于讓冲廟豈忘於嘉歎

賜伯圭 再辞免中書 令不允 批 荅

省表具之卿以伯祖之尊上公之貴名位已隆
而無事任之累富貴已極而為無隘之虞寿考

康寧子孫蕃衍此於人間世尚何慕焉然惟
烈祖孝悌之至則友其兄朕追仰音容如在左
右古者思其人犹愛所憇之棠况我祖同氣
之親乎是以司徒範之勞加寵數之重夫高允
之徃魏子儀之在唐俱以令公名者豈惟爵秩
之崇盖以德為貴也惟我父師尚何祥於此哉

口宣

有勅卿爵齒俱尊忠孝無備茲授令公之秩家
為皇族之光毋復固辭並宜祇命

右丞相趙汝愚特授青光祿大夫

加食邑實封制

門下至人因親教養愛蓋本于躬行大臣以道事
君莫先於忠贊朕方遵皇祖之訓形四方之
風眷戒宗英相予孝理惟忠勞之猶著繫命數
之宜加爰集具僚載申褒肆具官某崇深而行
簡直諒而能容季有淵源究前至天人之蘊志
存節誼立本朝社稷之勲相業素高民瞻允屬
自擢登於右揆獨先輔於冲人於皇孝宗克
振矣祚朕既荷綠車之鍾愛遂紹於重規卿亦
蒙冊褒之異知寢基于大任惟推心而相勉念

圖報之尤唯三年之喪服勤敢怠七月而葬宣
力居多因山為陵得丘原之塋壇稱天定謚極
寶冊之鋪張進吉伏以末婦奉太宮而班紉誠
信无悔哀礼有餘仰慰祀天之靈實由同德之
助是用超文資之峻徑授三階行并賦之腴幾
盈万户勉從遜讀少屈恩綸於呼明德懿親既
居金鉉貴耳之貴帶謙終吉僅登銀章青綬之
聯益成康退之名尚副倚毗之意可

賜告口宣

有勅卿祇奉 阜陵爰加賞典班既高於百辟

位亦次於三公其體眷懷亟祇成命

賜趙汝愚辭免不允詔

勅具悉卿輔朕初政備宣忠力茲奉 孝宗大
事厥功茂焉褒崇之典所宜優異正以卿素執
謙冲避遠权势凡有進擢辭遜通礼或至迫而
後受故无忍所以處卿者初拜右揆已授此官
还以界卿是不為過毋復罕辭朕必不為反汗也

皇伯師夔特授開府儀同三司加食
邑實封制

門下朕丕膺宝祚加厚皇友惟我祖之君萬
邦既訖固山之禮顧天子之謂伯父實參置使
之行眷吉伏之言旋豈褒績之可後視儀宰路
敷號廷紳其官某賦敏給之資擅溫恭之譽分
左符而出鎮嘗專制閩之雄易當務以歸班徑
擢齋旄之峻迨冲人之臨御進孤保以疏恩鳳
闕晨趨見朝儀之甚肅輟庭日侍知家法之尤
嚴匪惟族姓之光允謂衣冠之盛比營東越崇
建阜陵願躬除道之勸往護成梁之役久安
閒燕退若無憑小試才能繁然可觀宜加寵數

以答夫勞公府肇開遂擬三師之貴珍臺燕頤
併增千戶之封用修宗盟茲為使相於戲有是
父有是子俱膺華袞之榮拜於後拜於前克紹
緇衣之美勉圖休問以對殊私可

賜告口宣

有勅維予伯父表我宗盟爰陞華鉞之袞已播
絲綸之寵其祗異敷母事謙辭

賜伯圭再辭免特授兼中書令加食
邑實封不允仍斷來章批答

省表具之朕考 國朝官制尤以中令為重親

矣如魏魯陳韓諸王為此官者僅六七人元豐中曹佺以帝舅兼令有司謂無給俸之例則其稀闊又可知矣卿為達尊執德彌邵久虛之典非知尚誰當之近命元子寵華家鉞恩禮之盛華予一門邦之榮懷匪曰予私辭之至三斯可已矣

口宣

有勅卿位極人臣德高帝胄爰拜中臺之長以彰元老之尊寵命既頒謙辭勿再

賜宜州觀察使孫璫辭免 孝宗題

甲

滿散朱表

伏以春律方中物生咸遂演秘密琳琅之語祝壽康箕翼之期已事而竣維天其佑庶修子職永奉親歡

賜皇伯祖洎圭辭免贊 拜不名如食

邑實封不允詔

勅具悉天下有達尊三爵一德一齒一而未及言親也惟公德明爵齒俱尊而又 孝宗同氣之親 太上皇之伯父而朕之大父行也貴窮人爵思所以尊異之非奉曠典不足以稱紫微

今公既以謙辭而不受朕其可遂已乎不名之
禮蓋自尚父深衡以來實朝臣之殊禮前朝嘗
以寵待親矣百有餘年無有可當此者奉以命
卿人無異詞尚形遊避朕不敢從邦之榮懷亦
非朕敢私也

進奉 皇太后生辰表詞

伏以尊居長樂方歌雅老之詩時屆芳春適啟
誕彌之節邦家均慶宮壺交欣中媚恭惟 壽
成皇太后殿下德合坤元心同天大贊 淳熙
之內治恭儉具享命非苟以嗣興思私未報方

且游神澹泊玩志清虛益觀過曆之期坐閔後
天之筭臣夙承大造獲奉慈顏含飴弄孫咸仰
美任之盛戲絲為樂惟祈箕翼之年

功德疏文

右伏以修蘭亭之禊事方樂春陽上椒殿之壽
觴仰尊 祖后 壽成皇太后殿下恭願坐膺
多福日介脩齡國治家齊合三宮而同慶天長
地久見千載之太平

太陽文餘祭告太社祝文

伏以季春立陽日食子朔側身修行朕不敢怠

聖珍中有
此文但缺
功在臨文
字又刪去
句首若字

伐鼓于社彛章具存尚抑群陰以助陽德

陰雲不見祭謝祝文

伏以清臺獻可太陽當食引咎自省方切兢兢
東方未稀陰雲布護實維神賜敢恃天沐

皇帝本命万寿現設醮青詞

伏以歲紀新元方履春陽之季日惟上巳適屆
我生之辰敢肅高貞祗陳清供開純福之秘字
炳長生之寶灯恭願道蔭日增壽祺帝与奉重
闡之養受福无疆均回表之玖配天其永

滿散朱表

伏以季春云始元命斯臨正當禋事之修爰謹
靈科之演茲為成礼允矣垂慈冀益介於脩年
庶永依於妙道

賜知樞密院事余端礼辞免兼参知

政事不允詔

勅具悉朕圖回詔功方倚二三大臣以為重卿
頃自参預進長樞廷宰席隅處伴兼政地茲惟
故典亦今之宜非鄉通才何以任此亟其承命
無事謙辞

賜新除現文殿大李士知福州趙汝

恩辭免不允詔 二月二十四日

勅具老紳以肺腑之戚為社稷之臣翊戴敢躬
輔相初政力足以任天下之重識是以斷衆志
之疑倚毗方隆引去何遠雖有諫者亦無異詞
遂釋台符徃分帥闡極秘殿之殊寵實累朝
之旧章事君以忠知既全出處之致退人以禮
朕當篤始終之恩尚冀告死毋庸辭命

勅具悉 朕惟國家以史事為重典顧之任必命
修國史日曆不允詔

大臣宝牒之設蓋古者書之於策之遺意日曆
則以事繫日後之信史實基於此卿問李通博
攝行相事非卿其誰宜司之成命已行毋庸多
遜

賜參知政事京鏜辭免權提奉實錄
院編修國朝會要不允詔

勅具悉 高皇中興之烈當遂特書 累朝庶
政之規尤宜分類故實錄則取史遷之旧而會
要亦用唐室之餘爰命大臣朕此二者卿素推
該洽俾覲纂修其躬率於諸儒以趣成於大典

茲為故事何必謙辭

賜宝文閣李士知遂宁府宇文价乞

奉祠不允詔

勅具悉卿以文昌曰德性鎮蜀藩居外數年所
左稱治方此政成於大府正資周護於遠民忽
騰謗疾之章欲遂奉祠之請眷倚之重神明未
襄其訖外庸毋違朕志

賜提舉臨安府桐霄宮趙汝愚辭免

觀文殿大李士不允詔

勅具悉大臣進退之宜固知有養人主始終之

遇尤當示息矧惟宗工祈解机政念忠勞之素
著曾倚注之未襄歎然賦歸若此勇决關山舊
鎮既避寇之甚堅書殿隆名豈陸華之可已諒
還寓里暫佚首祠其躰眷懷毋為去遜

太上皇帝本命太一宮設醮青詞

伏以陽居大夏而主歲方欣長養之時予有天
下而歸尊仰祝壽康之筭日當元命礼厚貞
科迺颺馭之來臨肅仙班而就列伏願廣推道
蔭增介親年奉太上之玉卮重見威儀之盛
躋斯民於壽域益綿熙洽之期

正端散未表

伏以律應薰絃慶鍾慈辰萃霞福星冠之象演
琅函瓊笈之文茲告祀成仰祈神貺庶自禱祠
之後獲修定省之恭

獲

賜少保周必大再乞致仕依已降指
揮不允詔

勅具悉七十致仕雖著於禮經二三大臣唯拘
於古制矧惟元老嘗冠中台周旋兩朝負荷
重事既于蕃於南國終退處於東山神明未棄
德望彌仰奉貢祠之香火自樂隱居掛神武之

衣冠胡為早計抗章再至陳義愈高顧雅徇於
冲懷尚少安於素履

賜安文閣李士知太平州李燾乞官
現不允詔

勅具悉卿老於文季久處禁林出守當塗日後
報政胡為諗疾欲遂求削朕方念典刑之旧望
屏翰之良卿豈不能体此眷懷為斯民而少留
乎

知樞密院事余端礼特授銀青光祿

大夫右丞相加食邑實封剡

胃四日

門下稽古建官莫重王朝之論相代天理物必資揆路之得矣朕臨御惟艱曠咨敢忘爰命紫樞之長進居黃閣之崇廼輯廷紳誕敷制綽具官其溫恭而氣勁凝靜而謨明智周万事之原卒貫九流之邃孝宗擢之於庶列匪濟法從之班至父召之於留都遂處輔臣之任益殫忠盡力贊政幾迄乎嗣歷之初尤藉同寅之助巡掌東西之二府兼明文武之兩途內則密勿廟論以慮四方外則整齊戎律以令諸將清規足

以範俗深謀足以濟時進退有官詳試知人之

鑒調娛衆務究現識治之才蔽自予衷與之因兼用止鈞衡之寄毋勞夢卜之求超授文階增陪井賦以示奮庸之選以昭注意之隆於戲夙夜基命而殫厥心朕欲起太平之盛朝夕納誨以輔台德爾其繼良弼之名表正士風訪求民瘼及閒暇而修政刑之要專燮理以致陰陽之和若股肱耳目之相頌將天地祖宗之臨安懋承明漢期底成功可

賜告口宣

有勅卿比領樞廷兼行相事茲延登於右揆已

誕布於明綸汪意方深拜見可後

賜余端礼辭免不允詔

勅具悉朕承付託之重思繼祖宗之大業志
勤道遠悠哉未艾置相之際其尚敢輕寧槐位
之暫虞必時咨而後授卿純明篤厚秉德不回
入從出藩望實兼著本兵貳政三載于茲論事
有爭臣之風謀國得宰相之體其瞻攸屬顯拜
不疑惟今亦多故矣朕欲賴卿以濟書所謂若
濟巨川用汝作舟楫卿其以此自任副朕倚毗
方斛之載惟卿為宜而又何辭焉

賜新除知樞密院事京鏐辭免不允
詔

勅具悉朕惟至人不畏多難而畏死難于今雖
曰邊鄙不聳而宥密之司正當為不虞之備無
競惟人朕於是注意焉卿以慷慨宏遠之資有
志事功立節於殊鄰宣威于全蜀纂紹之始一
見而决擢式樞筦風采凜然典政未幾復為之
長迹若序進實粹德選當仁无遜其又何辭
賜新除參知政事鄭僑辭免不允詔
勅具悉朕以寡昧嗣无疆大歷服惟二三大臣

是賴凡今日德望在人為國家用皆兩朝選擢當以遺朕者也卿周旋從班雅有公輔之器登之樞筥人以為晚顧豈以日月為功乎參預政途金書為允宜遂佐朕宏濟多艱引避抗章非朕所望

賜新除端明殿學士簽書樞密院事

謝深甫辭免不允詔

勅具悉卿始以擢大夫奏事孝宗一見以為有唐人風親擢再三如恐不及上皇用卿於諫省試卿於天府而登之從班肆朕纂承輟秣

陵之行而寘風憲之長進讀金華引以自近用卿之意久矣寃加書殿升式幾廷卿豈未知朕意耶何避寵之力也亟其祇命毋用費辭

賜新除權兵部尚書張栻椿辭免不

允詔

勅具悉卿出入朝列敬歷最深凡今要途多出卿後天昌八座乃爾世官端粹亮直之資視名父以無愧臺綱諫省久矣矣矣勞進長夏官朕命惟允徃其率職何事謙辭

賜全端礼再辭免右丞相不允批荅

自表具之君臣相逢謂之千載上下協濟本乎
一心必能如風雲之從斯可不膠漆而固惟卿
朴厚副朕倚毗雖累年務罄於論思而近歲尤
殫於忠力眷政府樞廷之更殘知文事武備之
該通儀圖老成宜置右左試之已久斷然不疑
惟昔宗盟嘗培冢宰之任若持卿袞亦應拓漢
之祥尚期遠近於前入相共興於大業朕所
望者卿何辭焉

口宣

有勅卿比握兵机實專政柄乃徑登於次相仍

累進於崇階其朕宥光勿為多遜

賜京鏜再辭免知樞密院事不允仍
斷來章批荅

省表具之朕惟本兵之司有國所重必待樞机
周密乃可圖功自非智略縱橫何以稱我卿之
能事朕所素知分制閫則推師帥之良登政途則
著輔弼之望歲名日起遐迩具瞻其勵壯猷益
運樞中之筭坐銷外侮以收堂上之奇且已需
章毋當朕命

口宣

有勅卿資兼文武望聳華夷輟東府之大臣長
西樞之重任明諭已播遜牘毋煩

賜第僑再辭免參知政事不允仍斷

來章批答

省表具之朕修明庶政務興起於事功罔在日
人乃布揚於命告卿行為世表文擅國華增闡
銓部則著忠蹇之名侯藩當簪則隆恩威之美
再議禁路增重朝行既擢貳於本兵茲進參於
駭擬其體責成之重毋為避寇之煩

口宣

有勅卿叔在樞廷久隆人望茲進參乎大政庶
益重於本朝荷貢忱辭亟祇明命

賜謝深甫再辭免簽書樞密院事不

允仍斷來章批答

省表具之朕惟九五正位每切圖安二三大臣
所當遴擇乃眷幾廷之貳必求禁索之英卿外
寬而內明氣和而才邵凡一時請切之選以敷
載周旋其間封駁之嚴屢回主意糾彈之勁益
振臺綱勸誦以來陳謨尤切茲肆頒於一札俾
參掌於五兵出命惟行抗章可已

一宣

有勅卿洛歷華途寢高雅望茲自憲臺之長入
參樞筦之嚴朕命既孚卿辭毋費

賜余端禮再辭免右丞相不允仍斷
來章批荅

省表具之商宗之命傳說也爰立之初訓告其
存惟說以天下自任祇若休命不敢辭也朕之
論相則又詳矣大号揚廷與衆共之需章之來
既已再卻而犹未已何耶朕之菲涼有賴啓沃
式克敏承卿其可使古人專美于前乎三命而

俸其可已矣

口宣

有勅朕妙選儒英俾登揆路欲專裁於庶務顧何
事於三辭唯徇勞謙亟祇成

賜叔兵部尚書張叔椿辭免兼侍講
不允詔

勅具悉惟卿先正以經術侍 孝宗於潛藩逮
居文局實兼露門卿立朝不阿雅有父風聰履
之初仍命選讀此薦紳美談也何辭之有

太 宮祝延 太上皇帝全壽設醮

書詞

伏以嗣膺大宇日深淵谷之虞密侍慈闈願致
岡陵之祝演貢科于秘殿招寂士於名山列洪
高靈普及三千之衆仰祈睿筭遙延億萬之年
敢罄忱衷庶承道蔭冬溫夏清早修問寢之儀
地久天長欣見奉卮之樂

蒲散朱表

伏以為天下君敢以位而為樂奉
上皇壽惟
事親而解憂茲歲琅函來臨宝馭訖成盛礼仰
冀蕃禧願益延父母之年庶克脩孝慈之道

賜右丞相余端礼辞免權提奉編修
玉牒實錄院編脩国朝會要不允
詔

勅具悉史冊之成欲傳於万世国家所重莫盛
於三書大事則續為錄王之編中興則未就汗
青之簡况奉綱而撮要欲踵事以增華宜有宗
工併修鉅典卿嘗兼二者未決四旬既進東於
釣衡俾盡專於筆削宅百揆而熙帝載惟乃之
休總衆職而稱上心非卿孰可

賜太子知政事鄭僑辞免權監修国史

口曆不允詔

勅具悉朕惟史事至重功用浩博惟以事繁日
謹而書之則後之信史於此乎取分命諸儒而
頌以大臣國家之令典也卿以儒英出八冊府
有年矣茲參大政命摠宏摹良史之才加之季
識公議所屬尚何辭焉

賜銀合夏藥勅書

荆湖南路安撫使王簡

勅某卿嘗位元樞往臨南楚爰錫珍芳之劑用
清暑愠之祥將以宝奩賁于帥閫

四川安撫制置使趙彥逾

勅某卿不辭叱馭諒已開藩爰加珍劑之頒仍
賚宝奩之賜用示恩於宗老期解愠于吾民

侍衛馬軍都虞候張師顏

勅某卿總提騎將往駐金陵當溽暑之在辰出
珍芳而分賚尚綏衆士如濯清風

御前諸軍都統制閻世雄張詔趙

殿劉忠劉震田世輔

勅某等汝分戎介藩撫安戎壘出上方之京劑
入內府之珍奩坐養生風諒欣承命

御前諸軍副都統制馮湛張國珍

李世廉王宗廉王知新田臯

勅某等汝分提禁旅密贊戎和乃馳賜於珍芳
冀遠清於蒸鬱惟茲解愠可以忘勞

皇帝本命方壽現設醮青詞

伏以玉曆正時屬端陽之伊迺清臺課曆逢元
命之斯臨闡萬壽之殊庭演三天之秘蘊仰祈
道隆加佑神人裨益於脩齡用克承於鴻祚

蒲散朱表

伏以 魁宵 紀月方適高明之居純福陳儀仰祈

盼鑿之荅蘭場既勝 馭來臨 頌垂覆露之仁
式燕簡穰之祉

孝宗皇帝小祥奏告 永阜陵攢宮

來詞

伏以念茲 皇祖遽驚新穀之升 瞻彼 阜陵
深切高山之仰 恭惟 尊號皇帝恢宏帝業垂
裕孫謀茲當 祥練之初 敢後馨香之荐 馳誠惟
謹 願涕無後

賜 戶部侍郎袁說女辭免兼侍講不

介 詔

亦具悉知性資闔敏儒術該通雖當主計之繁
毋切愛君之念方御圖云始首闢經惟而建議
猷光能發朕意前所陳請旋已施行近因獻納
之餘復上課程之奏深嘉忠貞與講明惟謹
論之是求何需章之為遜亟就通英之列以裨
典彜之勤

賜新除吏部侍郎林夫中辭免不允

詔五月十一日

勅具悉知天資穎挺論事不曰比以久居臺端
慈皇蓋嘗命以小宰之職矣去為劇郡召歸近

班既殫批勅之勤庸畀典銜之任踐敬惟日選
用匪輕清吾文部以助官人之能不亦休哉
寵巧副非朕所望

擬進郊祀 御禮 紹熙五年

朕祗膺慈訓嗣守洪圖仰天地之儲休以綏四
海賴 祖宗之垂裕寢歷六年欲消長至之辰
載舉親郊之禮膏澤可占於農扈信盟久締於
鄰歡訖可小康敢忘昭報率由旧典死事震文
上万壽於 重親式嚴孝治均蕃暨於兆姓匪
鄉朕躬按令甲以陳儀體先庭而申命朕以今

年十一月祇事于南郊播告中外之臣咸謹駭
奔之職其飭尔事毋愆于儀故兹礼示想宜知
悉

擬立 皇子嘉王皇太子制

門下朕祇若大猷紹休 列圣念承祧之重允
屬於元良惟王器之茂莫如於長子仰稽古制
詳考旧章匪予一人之私繫爾四海之望誕揚
明鏘敷告大廷皇子其位其夙稟謙恭動循儀
法生長帝王之胄周旋詩礼之經迨予續承勉
爾諭教宏開藩邸寵之榮土之封妙選英矣為

之羽翼之助而能服勤講貫尚論古先閱義理
以滋多屏驕奢而不顧朕惟儲貳不可以曠位
固本宜先於正名其從來即之尊入處青宮之
重於戲立嫡以長所以歸宗祖之休為下得人
所以繫臣民之望云云可

擬進登極敕文 紹熙五年七月五日

門下朕共為子職日守宗藩 烈祖上賓曾未
釋服 圣父違豫幾不勝喪屬上意之倦勤屢
思退託蒙 太皇之出令遽命纂承眇兹冲人
膺此大器驚惶失次涕泣固辭謂二百年社稷

之傳豈容批選惟億兆人謳歌之戴久已屬心
仰有體於慈謨俯唯違於衆志祇承丕祚以撫
万方自惟寡昧之資深恩付託之重祈天永命
用綿龜鼎之休發政施仁首播風雷之號可大
赦天下云云於戲奉三無以勞天下最懷以位爲
樂之心歟五福而錫庶民盡布與物惟新之澤
罔間遐遐之衆咸瞻曠蕩之恩

攻媿先生文集卷第四十三

攻媿先生文集卷第四十四

四明禱

鑰大行

內制

開禧三年十二月翰林學士知制誥

賜右丞相錢象祖褒語

十二月二十四日

朕更化之初論相爲急注意已久無踰卿者大
臣義當體國勿爲牢辭徃哉汝諧毋稽朕命

劄子附

臣獲望清光仰蒙 聖慈開納劄堯之言不勝
千載之幸再被宣旨令撰右丞相錢某哀語進
上竊思制麻已宣無可辭之理臣退方供職所

有荅詔章良能必已撰述臣謹撰廢語進至更
合取自 聖裁

賜禮部尚書史彌遠乞待闕州郡差
遣不允詔

勅具悉卿世傳忠孝資稟粹絕謙厚自將而有
仁者之勇深沉不露乃先天下之憂密贊元良
與決大事朕心契合咸柄復而不待崇朝之間
遂正叔臣之罪歆奮身而不顧死無官而可酬
力禱樞筦之除尤嘉靜退進陟儀曹之長少示
褒遷矧後四皓之游遠欲一麾而去非介推之

不及胡歆耕繇上之田若子思之弗安豈無之
繆公之側其安位著庸副眷懷

賜新除吏部侍郎兼太子左庶子妻
梳辭免不允

勅具悉天官二卿之司有資銓綜春宮中護之
職尤遴選掄卿性稟深淳才猷挺特以天下士
從吾兒游頃尋里社之閒又樂祠庭之適茲方
更况首遂建儲思得老成之人以重元良之輔
亟頒召節重上從班毋庸固禕式副虛佇

賜新除開府儀同三司充萬壽觀使

楊次山辭免不允詔

勅具悉朕維新庶政豫建儲闡屬時戚聞之矣
久安均逸進視鼎司之貴豈曰示私卿素迪忠
勤居懷靜退謹容儀而就列允為耆艾之英養
威重以闔門尤服滿盈之戒逮茲播告曾靡異
梓覽異蹟之亟陳顧謙懷之難徇其祇成命毋
拂予衷

賜新除右丞相兼樞密使錢象祖再
辭免不允批荅

省表具之漢之丞相無所不統 孝宗正名秀

任深重朕更化善治注意尤精以卿忠孝之家
台輔之望踐敷中外多歷年所通者再預政机
能斷因論去凶奉夫人望愈熾播告廷紳士夫
至於相賀何嫌何疑固辭不已矧是邊陲之未
靖尤資右府之壯猶三命而倖執謙甚矣朕志
已定決無反汗之理卿其自任天下之重稱朕
意焉

口宣

有勅卿兼文武之資辭家國之重既已頌於制
綽何尚執於謙詞毋違朕言亟正台席

賜新除參知政事衛泾再辭免不允

仍浙東章批荅

省表具之朕更化之初惟二三大臣是賴以卿
倫魁之彥密在通照贊决庙謨擢升独坐尋界
洪樞之任仍參駿馭之嚴茲為正名以贊台揆
内別百度之欲治外則三边之未寧此為何時
而執政典其體責成之意勿為遜避之煩

口宣

有勅卿近以樞廷遂參政地茲為錫命止用正
名尚俾當軸之謀宅執循墻之謹

賜新除參知政事雷孝友再辭免不

允仍浙東章批荅

省表具之朕躬覽万機與民更始欲解琴瑟之
日允藉股肱之良卿久矣蜚英居為進比處
代言之任實懷憤世之心預同密謀卒殄元惡
擢居瑣闥遂長憲臺欲新億兆之規瞻尤急二
三之輔弼其祗予命亟贊政幾因事匪輕謙辭
可略

口宣

有勅卿由中執法為吾大臣正資經世之猷以

賀濟時之相朕志先定卿辭勿煩

賜新除端明殿學士簽書樞密院事

林天中再辭免不允仍斷來章批

答

省表具之卿養氣以剛秉心無競出藩入從崇
利澹然久安燕居不容何病朕一新治具急欲
求老成典刑以鎮服中外起旧德於垂車之後
還人望於特索之班矢謨朕前尤先克壯匪升
書殿進貳省庭人無異辭固以增重時則可矣
尚何遜焉

口宣

有勅卿禁班老成人望又屬擢實幾庭之式正
資兵本之謀尚復奚辭徃其祇服

賜新除同知樞密院事兼太子賓客

史彌遠辭免不允詔

勅具悉朕思先正位極師臣佑烈祖以格天
勲實存於社稷如西平之有子業克紹於箕裘
師父教之忠世濟其美立朝漫久文詞但見其
家傳遇事敢為交回不知其膽略聲聞謀猷之
若贊予父子之酬履虎不疑抵鼃而決即欲寘

紫樞宥盛之任仍俾居青宮賓友之職人以為
遲事唯曲徇需章雖切朕意莫回三世本兵豈
特為衣冠之盛四方傳命亦足以示朝廷之尊勿
復重陳亟祗成渙

賜新除權兵部尚書兼侍讀倪思辭
免不允詔

勅具悉朕惟嘉臣竊權上下蒙蔽道學諛獻佞習
以成風鄉至朕前独效忠讜詛氣足以激頑俗
英詞足以發壯懷鳳鳴朝陽何足以喻迨茲更
化可後趣歸來對便朝言議益偉武部之長露

門之讀始引卿以自近耳徃其承命毋執卑辭
賜新除礼部侍郎兼侍講章良能辭
免不允詔

勅具悉卿夙富青箱之學來居紫橐之班兼直
北門典司東觀朕惟親軍旅之務非待以詞翰
之臣儀曹既俾於為真經帙仍資於勸講爰總
夷夔之任實親褚馬之矣金謂汝諧卿毋多遜

賜楊次山再辭免開府儀同三司不

允批卷

省表具之朕愛惜名器惟矣是予由掌武之官

而視儀按路品秩益崇其可輕畀卿以肺腑之親服在爵位請共自飭廉介有餘爰示優恩用孚至意而又何辭焉母復重陳亟宜就列

口宣

有勅鄉聯芳椒掖均逸琳宮爰開公府之華實視台纏之貴其祇茂渥母事牢辟

賜右武大夫文州刺史知閣門事楊

谷辭免除觀察使不允詔

勅具悉爵惟馭貴當昭示於至公恩以及親遂優加於彝典仰起由戚曉列在朝紳入儀賓閣

之司歸服家庭之訓克存孝謹不見驕盈爰稽開歲之勞超進現風之秩需章未上幾不自勝
與汗既頒固難曲徇其益堅於素履庶長保於
全猷

賜右武郎知閣門事楊石辭免除現

察使不允詔

勅具悉名器至嚴豈容於輕授恩榮加厚遂越於常規卿毓秀名家通班朝路素有義方之訓密參寶贊之司居存忠勤深避叔勢爰攷踐敬之田躡井康問之華成命既行固難反汗遂辭

末論尤見益恭其體至懷以永終譽

改嘉定元年詔 二十有

勅門下朕嗣承大統勤撫庶邦更星純之一周
見曆元之三易頻年相繼寰宇委震邊釁遽開
顧生靈之何罪蟲蝗為孽并旱潦以相仍皆權
臣誤國之致斯在菲質應天之敢慢令別典刑
己正綱紀益張乃同正月之和適際三陽之泰
誕揚大號重告多方取商宗嘉靖之言暨周王
著定之義用光嗣歲式迓休祥庶幾叶氣之薰
太平可望行見方民之集得所為期行丕祚於

無疆与斯入而更始其以明年為嘉定元年

改元奏告祝文

天地景靈宮天慶觀報恩光孝觀
伏以祗承洪圖寢逾周紀屬時多故啟開嗣歲
之祥乃選嘉名用冠新元之首敢伸昭告祈介
宏休

宗廟 諸陵

伏以承 列圣之休方深夕惕紀新元之號式
介春祺開景運之年嘉期武功之著定仰惟敷
佑敢不欽承

太社太稷

伏以為國家者尤謹於紀年有社稷焉敢稽於歲事仰冀神靈之佑庶開嘉定之期肇易美名爰伸昭告

太一宮

伏以國之大事莫重改元天之尊神嚴當昭告願升享嘉之會遂成者定之功益界多祥以興嗣歲

諸陵櫛宮表文

伏以祗奉洪圖寢踰周紀屬時多故欲開嗣歲

之祥乃選美名用冠新元之首取商宗嘉靖之旨晞武王者定之功仰冀享休敢伸虔告

賜史彌遠褒詔

知善謀能斷克清元惡真國家之寶臣公師之矣嗣樞庭儲策餘曰汝諧朕志不移固辭可已

賜兵部尚書倪恩辭免兼脩國史兼

實錄院修換不允詔

勅具悉國之大典尤貴於擇人史之良才當先於求旧卿蚤嘗再入素擅三長孝宗擢之著作之庭先帝處以獻納之任皆參筆削具在

簡編茲當更化之初方以得矣為喜式資班馬
之體追配商周之書允謂法諧尚何多選

賜禮部侍郎章良能辭免改兼脩玉

牒官不允詔

勅具悉古者大事書之於策玉牒之所由起也
唐始建官而未若本朝之重寫之精謙建之
遷殿它書莫嚴焉以卿比司記注久居史館是
用任以大事之筆凡例昭然具有書法剪煩撮
要作宋一經以詔來世方以此望卿而又何
辭

賜吏部侍郎婁杞辭免兼太子詹事

不允詔

勅具悉召還紫橐固有賴於吏銓肇建青宮允
遵求於端戶卿性姿嶷遠問奉老成以為資善
之寮實謂甘泉之旧雍容引去恬然自如屬茲
更化之初矧復建儲之重載煩哲艾以輔元良
毋庸固辭服我休命

賜端明殿學士四川宣撫副使安丙

乞言現不允詔

勅具悉卿沈毅善謀尤長將略由鉅寇外禦

疆敵履天下之至雉為全屬之司命虜寔畏師
如所謂祭北門祭西門者然彼之殺亦勞矣乃
瞻西顧嘉歎不忘方升書殿之班以重閭外之
寄胡為引疾願解印章朕方賴卿以當一面賢
於長城遠矣卿其身任保鄣之責以稱朕意

賜京西湖南北路宣抚使宇文紹節

拜免除宣撫閣奉士不允詔

勅具悉入陪經帳外暢王靈既物望之愈隆豈
哀章之可後卿受才挺特抗志崇深不惟誓報
於國恩尤欲仰追於祖烈宣威邊徼遂寬北顧

之憂寓直文謨益峻西靖之職尚殫忠養嗣有
寵嘉毋事卑辭亟祗新渥

經筵進講毛詩終篇宣答詞

宰執赴聽講致詞謝

有制朕臨御今十五載講詩終三百篇卿等同
現朕心惟懌尚其協贊助我緝熙

侍讀侍講官奏賀

有制朕日勤三接共講四詩既徹篇章實資問
季深賴主文之諫載嘉歸美之勤

宰執率經筵侍五官再奏賀

有制朕積朝夕之勤終雅頌之業究現六義用
蔽一言尚冀輸忠毋忘進戒

賜新除宝謨閣直學士李寅仲辭免

召赴行在不允詔

勅具悉朕志於有為心不忘遠矧惟蕃崇之旧
具宣藩翰之勞既頌優恩仍趣歸覲卿素全忠
孝備著事功豈惟劬草之知實障狂瀾之倒峻
西清之職未稱眷懷望東海之來方深渴想尚
騰遐牘未就鋒車式適其驅勿重有請

閏四月起居諸 帝后表詞

諸帝且表

伏為積分成閏適當孟夏之餘告廟有儀敢飭
先王之典恭惟 謚號皇帝德參高厚仁及華
戎仰賴在天之靈益解奕世之慶式供嘉薦用
妥威神

諸后且表

伏為元年建巳閏月定時既當視廟之初爰謹
奉先之礼恭惟 謚號皇太后坤隆厚載母嗣微
音慨莫望於声容尚永緜於慶羨式修孝敬敢
薦馨香

諸帝望表

伏為閏以正時方謹居門之礼月惟既望敢修
朝廟之儀恭惟 謚號皇帝澤寢屨黎慶絲百
世望僊游而雖邈席丕祚於無疆爰薦孝思用
循彝典

諸后望表

伏為四月維夏閏式紀於歸餘 先后在天禮
用陳於改望恭惟 謚號皇后母儀如在神御
即安永陪衣冠之游用縣宗社之慶奉承恩孝
奠荐惟馨

戒飭貪吏詔嘉定元年三月十四日

勅到不朕臨御以來仰遵 崇朝恭儉之規非

食卑宮靡敢怠違庶幾躬行以移風俗而志勤

道遠觀感未孚况以姦倖弄權故相同惡上下

交利賄賂公行賦吏債帥益无忌憚監司為吾

澄按之官郡守受吾民社之寄至相倣效貪婪

無厭反恃苞苴狼籍已甚席卷帑藏或盈鉅万

郡縣經費耗索斃盡軍民衣食權利無餘積弊

有年雖悔何及大臣蓋蓋不飭殆弗容遷就而

為之諱也朕方厉精庶政与民更始申加訓飭

以警有臣繼自今各務精白一心以承至意其
有或緣公家以濟其私尚為救態必罰無赦至如
互送無藝屢刑切責遐方循習曾不少儆並
當禁或或徹听聞考驗有迹皆以賊坐嗚呼
莫追於既往法欲勵於將來宜存素絲之風毋
蹈覆車之轍使人知自愛用或敢干冀民力之
少蘇期士風之益徽朕意厚矣尚其戒哉上

賜禮部侍郎章良能乞官現不允詔
勅具悉知以該洽通敏之才有直繫禁亦既三
載自兼教器宣勞翰墨之酬夥矣更化之朕初

天述作多矣知手方有賴於論思之助遽欲以
回青求退非所樂聞也卿雖欲奉身而去使朕
發似於棄才者可乎其安厥位勿重有請

戒飭四川將士詔 四月九日

勅刊下朕端居法宮概念蜀道敢泄迹而志遠
庶一視以同仁自叛將之既誅與斯人而更始
已講休兵之策冀臻徽戎之期惟是師徒屢更
征役暴露矣矣夙宵惕焉每咨督餉之臣仍飭
列屯之帥究心調度加意撫循然而養兵於死
事之時在國家而靡吝效命於多虞之日乃吏

士之當為德饋運之或德及勤勞之弗恤固乎
朕志豈違官常凡而在行亦宜深體其有於
姑息不知紀律之違妄肆謹諱幾失守威之辨
流傳易惑關係匪輕爰頒一札十行之書用示
三令五申之制各思戒儆毋抵憲章

賜新除現大殿李士趙彥逾再辭免
不得再有陳請詔

勅具悉朕更化之始登用矣才宗老典刑無如
卿者閱勞以官職之事雍容進讀以冀日新之
益進班延恩少示眷意一辭聲矣况於再身身

其康疆講休克壯少親醫藥勿復重陳勉為朕
當以繫久望

賜侍讀趙彥逾倪思宇文紹節侍講
章良能辭免進講毛詩終篇轉一
官不允詔

勅具悉朕日御通英講明經理三百五詩至是
終篇叙進官職厥有故典仰為宗老
倪思宇良能云
知居從列字文
雖居間外實助緝熙母事固辭益思所以輔朕之
不逮

賜新除刑部侍郎曾曠辭免不允詔

勅具悉朕更新治化欽恤刑章遴選貳卿以今
攝事以卿性資直諒器度寬洪承東魯之儒風
襲南豐之家學比寄間外候使未歸入對便朝
喜聞正論刑惟兩教方有望於老成德本好生
當務先於明恕亟祗隆委勿事牢辭

賜吏部侍郎梁季泌乞官現不允詔
勅具悉惟卿先正受知高皇既登醜腹之班
尤多活國之計是宜有子為予從臣比更民曾
浩穰之司又歷銓部公方之選胡為引疾乃欲
求閒而安厥官以副眷倚之意

賜刑部侍郎曾暎辭免兼同修國史

兼實錄院同修撰不允詔

勅具悉昔在先世嘗繼列於史官而為近臣亦
許司於直筆削居自遷更化惟新召還獻納之
職兼界纂修之目豈特助成於國典抑將大振
於家聲明命既頒遜詞可略

洞霄宮徑山天目山龍井祈雨祝文

伏以國方多事所願年豐春夏以來甘澤未足
種不入土遺蝗已繁當守典思旱氣甚廣近雖
得雨犹未霑然遣官禱祠齊心以俟庶祈響答

三日為霖大慰九農敢忘伸報

故皇子肅王珀興靈前夕 勅祭

文

嗚呼哀哉頃欣嬪御得此誕育醉盤將設何去
之速情之所鍾念之輦蹙留而不秀無乃太促
一奠寓哀往從幽卜

成肅皇后小祥奏告

永阜陵櫛宮

香表詞

伏以 祖后上賓尚想含飴之愛歲華遽易忽
驚鎖燧之期遙瞻 陵寢之嚴倍切音容之感

期已久矣儼追慕以如新練而慨然顧加隆而
敢忘肅陳室炷用表哀誠

賜福州觀察使鎮江府駐劄御前諸

軍都統制兼知揚州軍再遇乞奉

回不免詔

勅具悉收守之良方圖及任將帥之重尤戒迭
更惟知沈鷺之寶奉勇自奮身經數戰最多汗
馬之勞賞不踰時亟上廉車之峻領京口戒稱
之寄鎮誰壞制閫之雄深明保障之圖日講當
屯之策流民寢復信使始通甫臻按堵之期邊

上奉祠之請其安爾位以訖外庸

雨澤愆期奏告祝文青詞

天地十神太一九宮貴神嶽鎮海

瀆

伏以旱魃為災爾有不免在於今歲利害尤深
疆場甫寧流徙未復中外空曠正望有秋屬茲
常賜種或未入為失歲事何以有邦顧慙菲涼
及蒙敷佑高高在上皇他祇之俯鑒哀祈三日為
霖庶以活困側身引慝恭俟嘉應

宗廟 別廟

伏以時方常賜憂懼寔甚種未入土何望秋成
間有一雨未能霑足齋心致禱靡神不宗在天
之靈願垂矜憫有請于帝救此下民沛為膏澤
偏及遐邇迄用康年以壽國祚

太社太稷雨師雷師風師

伏以社稷與君以民為重民之司命以食為天
時方多艱仰望一稔久矣不雨又復零傾心
禱祈願垂嘉答廣布甘澤普濟羣生報以秋冬
其敢不飭

天慶觀報恩光孝現青詞

伏以民生甚困正有望於秋成旱魃為妖庸仰
祈於帝力欽惟道祖實佑我家沛甘雨于多稼
之時弭凶年於大兵之後使農夫之有慶庶罔
計之小康

賜

皇太子某辭免每遇視事令侍
立宰執赴資善堂會議不允詔

二月二十日

勅具悉朕惟古者立國必達儲闈共為子職家
資主器之重惟予元子篤意問學年未及冠綽
如成人朕欲俾爾習知國家之務侍立吾左典

聞政事師賓會議皆吾大臣朕方一新治體兼
所公言而當周旋其間日增聞見以成溫文之
德尚其勉旃毋事多遜

賜四川宣撫副使安丙再辭免齊政

殿學士不允不得再有陳請詔

勅具悉朕更化以來愛惜名器未嘗輕以假人
其有度越拘牽超資綠而授者非如卿之雋功
茂績不予也書殿升華以所以待執政者待卿
其內兵民外飭邊備撫使全蜀之境奠枕無虞
以稱朕委注之意以保而功名之成可矣服我

殊命母高固辭

賜皇太子再辭免侍立會議不允批
答

省表具文近頒中詔命元子以侍朝仍諭大臣
集東宮而會議是為令典非用前規顧子教而
以義方俾而與聞於政理躬臨五季既親嘗反
以交修密拱九重具見君臣之相與而能進德
予自忘疲何以辭為再斯可矣

口宣

有勅而為元子年近成人俾入侍於所朝且預

聞於幾務勉親多益毋事牢辭

開雨求言詔 二十六日

勅刊下朕惟 祖宗傳祚之重祇懼靡遑而自

去歲以來蝗蝻為災久既無雪春又不雨以至
于今陂澤揚塵種未入土夏且半矣祈禱不應
間有霖霖未能通濟天災流行固亦有之在於
今茲閉繫實重邊鄙甫定流徙未復漕運不至
糴價日增苟失歲事何以保邦朕於宮中齊心
致禱又將躬謁于靈神且備臣鄰廣求民瘼六
官帥讀各令條具可以慰安人心消解天變者

矣載惟雲漢之詩靡神不奉靡愛斯牲祈年孔
夙方社不莫上祈於天以及父母先祖不見責
躬之言蓋宣王謂周家祈禳之典既已備奉而
早既太甚是必在在有以得罪于天其遇災而
懼側身脩行之意藹然見於言外朕心慕焉固
知大軍之後必有凶年不敢以此自解也傳不
云乎屋漏在上知之在下人若不能自知其播
告中外凡朕躬之不逮朝政之闕失與夫田里
愁嘆之由軍民疾苦之狀盡言無隱朕將採而
用之庶幾以實應天冀消災沴以迄康年無小

無大惟既乃心稱朕意焉

賜皇伯嗣秀王師揆生日詔五月十五日

勅公薰風南來當朱明之方半望舒東出慶伯
父之始生是曰宗英宜膺天壽匪頌惟旧寵敷
益新

賜新除吏部侍郎章良能辭免不允
詔

勅某悉卿以剛勁之資濟以博洽之季為古詞
臣仍無敷器其在濠曹事有不可者堅執不移
朕所欵嘉進式天官其以處儀曹者處之梳吏

嘉明餘法庶使無矣愚同滯之嗟何為固梓更
款求去非所望也

賜銀合夏藥勅書

知潼川府費士寅

勅云卿日居兩社出撫東川綏帶輟棗遠著藩
維之效宝奩珍劑徃寬炎鬱之煩益謹節宣以
綏寵渥

四川軍按使安丙

勅云卿仕職執政佐宣威蜀道籌邊想帥垣
之多暇暑風屆候特珍劑以分頌豈惟清遐徼

之慶抑以解吾民之愠

江淮制置大使立密

勅其卿恩視政逾任分制閩炎威將熾念戎幕
之矣勞靈劑匪頌均尚方之珍品庸昭渙渥以
滌歎頌

四川安撫制置使兼知成都府吳玠

勅其卿寓直從班鎮臨制閩增雪山之重念按
御之良勞當南風之薰北異節宣之既與爰頌珍
劑庸示優恩

京西湖南北略宣抚使宇文紹節
勅其名在經帙威宣將聞上流增重念祥暑之
矣勞良劑匪頌助薰風之清穆其均此賜以慰
彼民

殿前副都指揮使兼江淮制置使

趙淳

勅某卿朕領殿巖任隆制聞屬風埃之甫定當
滯暑之寢隆爰錫珍奩用將安劑坐消煩鬱仍
助籌宣

侍衛步軍都虞候措置防捍江面

王處久

勅三肅領衛兵出臨天塹堦多暇濤波塵不驚
屬當炎暑之隆宜厚珍芳之錫尚承殊渥以豁
煩襟

侍衛馬軍行司權管幹木軍馬職

事張良顯

勅某肅提精騎分駐當都當滯暑之寢隆屬氛
埃之甫定爰頒珍劑用滌煩襟益謹器宣以圖
緩靖

御前請軍都統制李和畢再遇秦

世輔王大才彭轅

勅公等肅提戎律緩靖邊陲當溽暑之寢隆屬
風埃之甫定永懷勞勩宜助節宣爰畀琛芳以
鎖煩懽

御前諸軍副都統制周整莊松何
汝霖刘元鼎魏友詠薛九齡三

鉞

勅公等協佐戎昭克勤軍務撫師徒而整暇當
炎暑之蒸隆緘室劑以頒即柳營而加勞

賜融除待衛步軍副都指揮使夏震

辭免不允詔

勅具悉卿赤心体國忠勇自將久攝殿巖尤見
勞效步旅謀帥卿實宜之其為吾協和三軍訓
之以義密衛行闕以折遐衝胡為固辭其服体
命

賜開府儀同三司楊次山生日詔朕

二十
三日

勅某卿志乘燕劑躬持廉靖時當初度宜介多
祥是為戚聞之華爰厚尚方之錫

